



Број/Број: 01/6-50-1-8-13/08
Сарајево/Сарајево, 12.12. 2008.

**IZVJEŠTAJ O RADU
ZA 2008.GODINU**

Sarajevo, decembra 2008.

Na osnovu člana 31. stav (2) Poslovnika Predstavničkog doma Parlamentarne skupštine Bosne i Hercegovine, Komisija za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine, na 13. sjednici, održanoj dana 12.12. 2008. godine, usvojila je

IZVJEŠTAJ O RADU ZA 2008.GODINU

I. UOPĆE O KOMISIJI

Nadležnosti Komisije za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine (u daljnjem tekstu: Komisija) utvrđene su članom 46. Poslovnika Predstavničkog doma.

Komisija je u ovom sazivu PSBiH konstituirana je 1. sjednici, održanoj 15. 2. 2007., izborom predsjedavajućeg (Vinko Zorić) te prvog (Milica Marković) i drugog (Sead Jamakosmanović) zamjenika predsjedavajućeg Komisije.

Ostali članovi Komisije su: Rifat Dolić, Halid Genjac, Jozo Križanović, Mirjana Malić, Remzija Kadrić i Savo Erić.

Na 4. sjednici, održanoj 22. 5. 2007., izvršena je promjena u ruvodstvu Komisije, kada je za prvog zamjenika predsjedavajućeg izabran novoimenovani član Komisije Jovan Todorović, umjesto Milice Marković kojoj je prestalo članstvo u Komisije.

II. SJEDNICE KOMISIJE

U 2008. godini Komisija je održala šest sjednica, sa ukupno 22 tačke dnevnog reda.

Od pitanja koje je Komisija razmatrala najznačajnija su bila u funkciji učešća u parlamentarnoj dimenziji kampanje Vijeća Evrope o borbi protiv nasilja nad ženama, uključujući nasilje u porodici, gdje su pripremljeni dokumenti koji odražavaju stanje u BiH u ovoj oblasti i dostavljeni Parlamentarnoj skupštini Vijeća Evrope.

Tako je, između ostalog, usvojena i platforma za nastup Mirjane Malić na Završnoj konferenciji kampanje u Beču, 30. aprila 2008., kao i doneseni zaključci nakon konferencije kojima je izražen stav Komisije u vezi s kampanjom i pozvane institucije u BiH da rade na ispunjavanju standarda Vijeća Evrope u borbi protiv nasilja nad ženama.

Komisija je objavila i publikaciju pod naslovom „Počinje krikom i nikada ne smije završiti u tišini – nasilje u porodici nije stvar porodice“, kojom su obuhvaćeni svi relevantni dokumenti proistekli iz kampanje, te je uručena svim članovima i članicama Parlamentarne skupštine BiH, državnom i entitetskim gender mehanizmima, nevladinim organizacijama i međunarodnim organizacijama u BiH.

Članovi Komisije učestvovali su u pripremi Strategije za prevenciju i borbu protiv nasilja u porodici, nasilja na osnovu spola, seksualnog uznemiravanja i uznemiravanja u BiH, a u okviru interesorne radne grupe.

Takodjer su učestvovali i u radu radne grupe za izradu amandmana na Ustav BiH sa ciljem osiguranja jednakopravnosti i zaštite prava oba spola, te vjernelabilnih grupa.

Realizirana je javna rasprava povodom Informacije Ministarstva sigurnosti BiH o krivičnim djelima protiv života i tijela, s naglaskom na nasilje u porodici za 2006. i 2007. godinu, te tendencijama u prva tri mjeseca 2008. godine, a po zaključku Predstavničkog doma s 36. sjednice, te je Predstavničkom domu dostavljen izvještaj s prijedlogom zaključaka.

Komisija je organizirala i svečanu sjednicu povodom 8. marta, Međunarodnog dana žena, u okviru koje je provedena i akcija prikupljanja pomoći za rad sigurne kuće u Bihaću u kojoj sklonište nalaze žene i djeca, žrtve nasilja u porodici.

Realiziran je susret s Odborom jednakih mogućnosti Narodne Skupštine Republike Srpske, kao i s Komisijom za ravnopravnost spolova Predstavničkog doma Parlamenta FBiH, gdje je razgovarano o aktivnostima komisija i o onima u okviru kojih je moguća saradnja.

Planirana aktivnost usaglašavanja bh. zakona sa Zakonom o ravnopravnosti spolova u Bosni i Hercegovini nije mogla biti provedena zbog nedostatka ekspertne podrške od Agencije za ravnopravnost spolova BiH, a zbog kadrovske nepopunjenosti Agencije koja je sada otklonjena i ova će aktivnost biti realizirana tokom 2009.godine.

III. MEĐUNARODNE AKTIVNOSTI

Od međunarodnih aktivnosti realizirana je posjeta Parlamentu Kraljevine Švedske i Hrvatskom saboru, gdje su razmijenjena iskustva sa srodnim parlamentarnim tijelima o gender pitanjima, koja će ovoj komisiji koristiti u daljnjem radu ali održani i brojni susreti s drugim parlamentarnim tijelima. Prilikom posjete Hrvatskom saboru prihvaćen je naš prijedlog da se tokom 2009.godine organizira regionalna konferencija o ravnopravnosti spolova.

Komisija je primila u posjetu i delegaciju Crne Gore u kojoj su bile parlamentarke, predstavnice izvršne vlasti i nevladinih organizacija, a u organizaciji UNDP.

IV. PRISUSTVO SJEDNICAMA

U tabelarnom prikazu sadržano je prisustvo sjednicama članova Komisije:

IME I PREZIME	S J E D N I C A					
	7.3.2008.*	18.3.2008.	3.6.2008.	28.7.2008.	21.10.2008.	12.12.2008.
VINKO ZORIĆ	+	+	+	+	+	+
JOVAN TODORVIĆ	-	+	+	+	-	-
SEAD JAMAKOSMANOVIĆ	-	+	-	-	+	-
HALID GENJAC	-	-	+	+	+	-
JOZO KRIŽANOVIĆ	-	-	+	+	+	-
MIRJANA MALIĆ	+	+	+	+	+	+
REMZIJA KADRIĆ	+	+	+	+	+	+
RIFAT DOLIĆ	-	+	+	+	+	+
SAVO ERIĆ	-	+	-	-	+	+

* sjednica održana 07.03. bila je svečana sjednica posvećena 8. martu-Međunarodnom danu žena I za održavanje iste nije bio neophodan kvorum.

Potrebno je istaknuti da su članovi Komisije spriječenost da prisustvuju sjednici uglavnom uredno najavljivali sekretaru Komisije, što je rezultiralo time da nijedna sjednica nije otkazana zbog nedostatka kvoruma.

PREDSJEDAVAJUĆI KOMISIJE

Vinko Zorić